



Javna ustanova Dom zdravlja Kakanj
Ul. Zeničko-partizanskog odreda broj 110, 72240 Kakanj
Tel: 032/460-950; fax: 032/460-951
Web: <http://www.dzkakanj.ba>; e-mail: infodzkakanj@bih.net.ba
ID broj: 4218137370000; PDV broj: 218137370000
Raiffeisen BANK-transakcijski račun: 1610650001010088
ASA Banka-transakcijski račun: 1340200000022037
Public Institution Health Centre Kakanj

Broj: 01-0-2/1 /22
Datum: 19.01. /22

OPĆINA KAKANJ
OPĆINSKO VIJEĆE
Stručna služba za poslove Općinskog vijeća

PREDMET: Odluka o izmjenama i dopunama Odluke o preuzimanju prava i obaveza osnivača i usklađivanju organizacije i poslovanja Javne ustanove „Dom zdravlja sa poliklinikom“ Kakanj, prijedlog, dostavlja se

U prilogu akta dostavljamo Vam prijedlog Odluke o izmjenama i dopunama Odluke o preuzimanju prava i obaveza osnivača i usklađivanju organizacije i poslovanja Javne ustanove „Dom zdravlja sa poliklinikom“ Kakanj(„Službene novine Općine Kakanj“ broj 2/13) radi uvrštavanja u dnevni red sjednice Općinskog vijeća .


Predsjednik
Upravnog odbora
Buza Fahrudin dipl.ing.
Buza Fahrudin

Broj: _____ /22
Kakanj, _____ godine

Na osnovu člana 24. Statuta Općine Kakanj („Službene novine Općine Kakanj“ broj 4/08), člana 14. Zakona o ustanovama („Službeni list R BiH“ broj 6/92, 8/93 i 13/94), člana 8. Odluke o preuzimanju prava i obaveza osnivača i usklađivanju organizacije i poslovanja Javne ustanove „Dom zdravlja sa poliklinikom“ Kakanj („Službene novine Općine Kakanj“ broj 2/13), i člana 94. Poslovnika o radu Općinskog vijeća Kakanj („Službene novine Općine Kakanj“ broj 6/11, 4/16, 6/16), Općinsko vijeće Kakanj na _____ sjednici održanoj _____ godine, donijelo je

**O D L U K U
O IZMJENAMA I DOPUNAMA ODLUKE O PREUZIMANJU PRAVA I OBAVEZA
OSNIVAČA I USKLAĐIVANJU
ORGANIZACIJE I POSLOVANJA JAVNE USTANOVE „DOM ZDRAVLJA
SA POLIKLINIKOM“ KAKANJ**

Član 1.

Član 2. Odluke o preuzimanju prava i obaveza osnivača i usklađivanju organizacije i poslovanja Javne ustanove „Dom zdravlja sa poliklinikom“ Kakanj („Službene novine Općine Kakanj“ broj 2/13), mijenja se i glasi:

(Naziv i sjedište)

Dom zdravlja iz člana 1. ove Odluke nastavlja sa radom i poslovanjem pod promjenjenim nazivom.

Puni naziv:

JAVNA USTANOVA „DOM ZDRAVLJA SA STACIONAROM“ KAKANJ

Skraćeni naziv:

JU „DOM ZDRAVLJA SA STACIONAROM“ KAKANJ

Sjedište Doma zdravlja je:

Kakanj, ulica Zeničkog-partizanskog odreda, broj 110.

Član 2.

U članu 4. Odluke iza alineje „ nastavna i naučnoistraživačka djelatnost „, dodaju se nove alineje koje glase:

„djelatnost stacionara za dijagnostiku i liječenje akutnih bolesnika,
-specijalističko-konsultativna djelatnost
- djelatnost apoteke za potrebe ustanove.“

Član 3.

U tekstualnom dijelu Odluke gdje stoje riječi „Dom zdravlja“ mijenja se i stoji „Dom zdravlja sa stacionarom“

Član 4.

U preostalom dijelu, Odluka o preuzimanju prava i obaveza osnivača i usklađivanju organizacije i poslovanja Javne ustanove „Dom zdravlja sa poliklinikom“ Kakanj, („Službene novine Općine Kakanj“ broj 2/13), ostaje nepromijenjena.

Član 5.

Ova Odluka stupa na snagu danom donošenja, a biće objavljena u Službenim novinama Općine Kakanj.

PREDSJEDAVAJUĆI
OPĆINSKOG VIJEĆA
Slaven Katičić, s.r.

OBRAZLOŽENJE:

Dana 11.05.2020.godine Krizni štab Ministarstva zdravstva Zeničko-dobojskog kantona za praćenje novog corona virusa donio je Odluku broj: 11-33-1335-76/20, kojom je preporučeno domovima zdravlja sa područja Zeničko-dobojskog kantona da prošire djelatnost i organizuju stacionar za dijagnostiku i liječenje akutnih bolesnika. Postupajući po navedenom aktu, JU Dom zdravlja Kakanj je pristupio sagledavanju mogućnosti implementacije istog, te donio Elaborat o opravdanosti uspostavljanja Stacionara za dijagnostiku i liječenje akutnih bolesnika broj:01-3129/21 od 19.07.2021.godine.

U skladu sa članom 58. a u vezi sa članom 56. stav 2. Zakona o zdravstvenoj zaštiti (Službene novine FBiH“ broj 46/10 i 75/13) JU Dom zdravlja Kakanj je dobio pozitivno mišljenje o opravdanosti proširenja djelatnosti zdravstvene ustanove JU „Dom zdravlja“ Kakanj na djelatnost stacionara za dijagnostiku i liječenje akutnih bolesnika izdato od JU Institut za zdravlje i sigurnost hrane Zenica, broj: 02-3067/21 od 28.10.2021.godine, i pozitivno mišljenje Ljekarske komore Zeničko-dobojskog kantona, broj: 03-110/2021 od 26.10.2021.

U skladu sa članom 59. Zakona o zdravstvenoj zaštiti ,JU Dom zdravlja Kakanj se obratio zahtjevom broj: 01- 60/22 od 06.01.2022.godine nadležnom ministarstvu zdravstva Zeničko-dobojskog kantona za saglasnost za proširenje djelatnosti . Dana 14.01.2022.godine Ministarstvo zdravstva Zeničko-dobojskog kantona donijelo je Rješenje broj: 11-33-232-1/22 kojim se izdaje saglasnost JU Dom zdravlja Kakanj za proširenje djelatnosti zdravstvene ustanove na djelatnost stacionara za dijagnostiku i liječenje akutnih bolesnika. Shodno naprijed navedenom, u skladu sa članom 8. Odluke o preuzimanju prava i obaveza osnivača i usklađivanju organizacije i poslovanja Javne ustanove „Dom zdravlja sa poliklinikom“ Kakanj („Službene novine Općine Kakanj“ broj 2/13), i članom 22. Statuta JU Dom zdravlja Kakanj broj: 01-0-4/13, Upravni odbor JU Dom zdravlja Kakanj podnosi ovaj Prijedlog.




Predsjednik Upravnog odbora

Buza Fahrudin
Buza Fahrudin, dipl.ing

B1-01-0-2/22



Broj: 11-33-232-1/22
Zenica, 14.01.2022.godine



Na osnovu člana 59. stav 2. Zakona o zdravstvenoj zaštiti („Službene novine FBiH“, broj: 46/10 i 75/13) i člana 200. Zakona o upravnom postupku („Službene novine FBiH“, broj: 2/98 i 48/99) rješavajući po zahtjevu JU „Dom zdravlja“ Kakanj, u predmetu izdavanja saglasnosti za proširenje djelatnosti zdravstvene ustanove, Ministarstvo zdravstva Zeničko-dobojskog kantona d o n o s i

R J E Š E N J E

Izdaje se saglasnost JU „Dom zdravlja“ Kakanj, za proširenje djelatnosti zdravstvene ustanove, na djelatnost stacionara za dijagnostiku i liječenje akutnih bolesnika.

O b r a z l o ž e n j e

Dana 10.01.2022. godine, JU „Dom zdravlja“ Kakanj, podnijela je zahtjev Ministarstvu zdravstva kojim je u skladu sa članom 59. Zakona o zdravstvenoj zaštiti, zatražena saglasnost za proširenje djelatnosti zdravstvene ustanove na djelatnost stacionara za dijagnostiku i liječenje akutnih bolesnika. U zahtjevu je navedeno da se zahtjev podnosi u skladu Odlukom Kriznog štaba Ministarstva zdravstva za praćenje novog corona virusa broj: 11-33-1335-76-1/20 od 11.05.2020. godine, kojom je preporučeno domovima zdravlja sa područja Zeničko-dobojskog kantona da prošire djelatnost i organizuju stacionar za dijagnostiku i liječenje akutnih bolesnika.

Uz zahtjev su priloženi sljedeći dokazi: pozitivno mišljenje broj: 03-110/2021 od 26.10.2021. godine, izdato od Ljekarske komore Zeničko-dobojskog kantona, pozitivno mišljenje broj: 02-3067/21 od 28.10.2021. godine, izdato od Instituta za zdravlje i sigurnost hrane Zenica i Zaključak o stavljanju van snage zaključka o davanju saglasnosti na statusne promjene u JU „Dom zdravlja“ Kakanj broj: 01/1-13-479/21 od 23.12.2021. godine, donesen od Općinskog vijeća Kakanj.

Podnosilac zahtjeva je dana 14.01.2022. godine na usmeni zahtjev voditelja postupka Ministarstvu zdravstva dostavio Elaborat o opravdanosti uspostavljanja stacionara za dijagnostiku i liječenje akutnih bolesnika u JU „Dom zdravlja“ Kakanj broj: 01-3129/21 od 19.07.2021. godine i akt JU „Dom zdravlja“ Kakanj broj: 01-3129/I/21 od 06.01.2022. godine kojim je izmjenjen naziv Elaborata o opravdanosti uspostavljanja stacionara za dijagnostiku i liječenje akutnih bolesnika u JU „Dom zdravlja“ Kakanj broj: 01-3129/21 od 19.07.2021. godine.

U provedenom postupku izvršen je uvid u Odluku Kriznog štaba Ministarstva zdravstva za praćenje novog corona virusa broj: 11-33-1335-76-1/20 od 11.05.2020. godine, akt Ministarstva zdravstva broj: 11-33-1335-76-1/20 od 20.05.2020. godine, Elaborat o opravdanosti uspostavljanja stacionara za dijagnostiku i liječenje akutnih bolesnika u JU „Dom zdravlja“ Kakanj broj: 01-3129/21 od 19.07.2021. godine, akt JU „Dom zdravlja“ Kakanj broj: 01-3129/I/21 od 06.01.2022. godine kojim je izmjenjen naziv Elaborata o opravdanosti uspostavljanja stacionara za dijagnostiku i liječenje akutnih bolesnika u JU „Dom zdravlja“ Kakanj broj: 01-3129/21 od 19.07.2021. godine, mišljenje broj: 03-110/2021 od 26.10.2021. godine, izdato od Ljekarske komore Zeničko-dobojskog kantona, pozitivno mišljenje broj: 02-3067/21 od 28.10.2021. godine, izdato od Instituta za zdravlje i sigurnost hrane Zenica i Zaključak o stavljanju van snage

zaključka o davanju saglasnosti na statusne promjene u JU „Dom zdravlja“ Kakanj broj: 01/1-13-479/21 od 23.12.2021. godine, donesen od Općinskog vijeća Kakanj, te je na nesporan način utvrđeno da su ispunjeni uvjeti propisani članom 56. i 58. Zakona o zdravstvenoj zaštiti, pa je odlučeno kao u dispozitivu ovog rješenja.

Takasa na ovo rješenje naplaćena je u iznosu od 150.00 KM, prema tarifniku broj 15. Tarife Kantonalnih administrativnih taksi, Zakona o kantonalnim administrativnim taksama – prečišćeni tekst – („Sl. novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10, 9/10, 12/13, 3/14).

Pouka o pravnom lijeku:

Protiv ovog rješenja može se izjaviti žalba Federalnom ministarstvu zdravstva Sarajevo u roku od 15 dana od dana prijema rješenja. Žalba se podnosi putem Ministarstva zdravstva Zeničko-dobojskog kantona, usmeno na zapisnik ili pismeno u dva primjerka. Prema Zakonu o kantonalnim administrativnim taksama – prečišćeni tekst – žalba na ovo rješenje podliježe plaćanju kantonalne administrativne takse prema tarifnom broju: 9. Tarife Kantonalnih administrativnih taksi, u iznosu od 10,00 KM.

DOSTAVLJENO:

1x Podnosiocu zahtjeva,

1x a/a

